

影印
文淵閣

四庫全書

影印

文淵閣四庫全書

第一四七七冊

北京出版集團公司
北京出版社

本冊目次

宋 百 家 詩 存

清 曹庭棟編……………一

欽定四庫全書

集部
宋百家詩存卷一

詳校官監察御史臣孫家賢

主事銜臣徐以坤覆勘

總校官庶吉士臣倉聖脉

校對官中書臣孫球

謄錄監生臣劉廷勳

宋百家詩存原序

譚詩者大都侈口三唐間有旁獵兩宋僅舉一二選本輒自為宋人之詩在是縱或好事者廣購遺僻囊鑠籤牙密置書櫝終年不一展卷且秘不示人於是宋人之詩雖傳世尚多勢必日晦日亾漸就淪滅而莫可考余高祖宗伯我雪先生當明季值史館諸書脩具曾纂宋人集欲彙選行世不果書遂散佚秀水司農倦圃先生余宗大父行也亦嘗裒集宋詩遍采山經地志得一二首即彙鈔不下二千餘家未及梓今亦散佚畧盡夫以先宗伯及司農之宏攬博綜方為兩宋詩人表幽發潛乃猶終歸散佚未竟厥緒余何人斯輒欲掇拾殘編謬加甄錄將謂古人得我而傳抑我附古人以傳耶良自誣矣顧余束髮時即好聲韻之學津津乎殆三十年竊考唐人詩集則

欽定四庫全書

宋百家詩存
原序

欽定全唐詩至精至脩元則秀堃顧氏之選明則朱竹垞輩先後撫輯亦云盛矣獨有宋一代之詩諸選本所

采寥寥并不獲媲美元明豈見聞儉陋亦侈口三唐者
附類遂響莫為兩宋一揭塵翳也且宋人何嘗不學唐
騎省學元和廬陵學昌黎宛邱學香山和靖學韋孟陳
黃為西江宗祖亦學少陵四靈為江湖領袖亦學姚賈
特風會漸移同一門戶塗徑自別外此標新立異不知
凡幾若任其散佚勿為蒐輯以傳非風雅遺憾乎歲庚
申余園居多暇敢承先志選刻兩宋詩人遺集以廣諸
選本所未及適同里友人陳希馮雅有書癖藏本甚夥

欽定四庫全書

宋百家詩存
原序

二

倒篋畀余余復馳書四方朋好曲折羅致一時薈萃因
加決擇次第編刻既竣題曰宋百家詩存蓋取存什
一於千百之意并以竟我先人未竟之事雖然作詩難
傳詩亦難宋史藝文志所載別集類不知作名者十六
人即石湖文集亦書卷亡其流傳乃別集與大全集耳
然則兩宋詩人之聲銷跡滅自揭陽靈仙湓江等集而
外又何可指數余之是選敢謂蒐輯遺僻足補三百餘
年間風雅之未脩哉倘博識者以挂漏譏焉余又奚辭

乾隆六年歲次辛酉三月既望曹庭棟書於二六書堂

欽定四庫全書

宋百家詩存
原序

三

欽定四庫全書

集部八

宋百家詩存

總集類

提要

臣等謹案宋百家詩存四十卷

國朝曹庭棟編庭棟有易準等書已著錄初潘
訥叔有宋元詩陳言揚有宋十五家詩皆不
甚行吳之振宋詩鈔雖盛行於世而闕畧尚
多且刊刻未竟往往有錄無書庭棟因搜采

欽定四庫全書

宋百家詩存
提要

逸佚續為是編所錄凡一百家皆有本集傳

世者始於魏野東觀集終於僧斯植採芝集

賀鑄本北宋末人而升以弁首置於魏野之

前自云少時所最愛然選六朝詩陶謝不先

於潘陸選唐詩李杜不先於沈宋以甲乙而

移時代此庭棟之創例古所無也其中如穆

修以古文著傳察以忠節傳林亦之陳淵以

道學顯於詩家皆非當行許樂張至龍施樞

諸人載於江湖小集者王士禎居易錄詆為

槩無足取庭棟取盈卷帙務足百家亦不免

有所牽就然宋人遺集徐乾學傳是樓二十

八家之本朱彝尊曝書亭五十家之本皆未

刊刻輾轉傳抄恐或散佚其餘專集行世者

又各自為帙未能匯合於一庭棟裒輯成編

各存崖畧雖非宋詩之大全要亦不可謂之

無功矣乾隆四十四年五月恭校上

欽定四庫全書

宋百家詩存
提要

總纂官臣紀昀臣陸錫熊臣孫士毅

總校官臣陸費墀

例言

一宋人各家詩分選彙刻宋時已有之如呂居仁江西詩派二十五家陳思名賢小集六十四家原本惜不可得家石倉十二代詩選采宋代百數十家有僅得五六首者存詩至少潘訥叔宋元詩吳孟舉宋詩鈔陳言揚十五家詩雖所采互見存詩較多茲依分選例各仍其集名潘吳及陳已采者不複入選僅得十首以下者亦不附入

欽定四庫全書

宋百家詩存
凡例

一是編俱采僻集若近時坊刻已有專集行世者雖未經前人選輯好古之士自能別出手眼茲限卷帙不脩載

一潘訥叔選本乃未成之書故其原序云有目列姓氏而無其詩者吳孟舉詩鈔計選百家亦失鐫十餘家茲就潘吳已采未刻者亦收入數種

一顧俠君元詩選以宋遺老編入甲集如熊禾劉辰翁牟獻黃公紹方夔諸公俱列於元詩之首數家世罕

行本附元詩中亦可藉以流傳茲不復采

一宋人詩散見選本及山經地志不下二千餘家茲就成集者入選仍吳選之數準以百家此外僻集尚多俟續選問世

一每集編次有分古今體者有不分體者悉依原本次序隨選隨錄不更另為編定

一所購鈔本居多魯魚亥豕譌舛尤甚賴余友陸蓼九相助校讎其中尚有誤字無可釐正者姑仍其舊未

欽定四庫全書

宋百家詩存
凡例

敢臆見改易

一每集冠以小傳竊倣知人論世之意但有事蹟罕著或散見他書殊費稽考余性褊急速於完書以一人心力成之終恐見聞未廣摭摭或漏所望同志教以不逮

一小傳內引用本人詩句特取證明事蹟不論詩之佳否故全篇有不選入集者其佳者仍選也至詩內間有小註各就原本存之無所增損

一各家詩以時代先後為次此大槩體例也余少時最愛賀方回詩手鈔一編時時誦茲彙刻宋集因取慶湖集為百家之冠從所好也

欽定四庫全書

宋百家詩存
凡例

欽定四庫全書

宋百家詩存卷一

嘉善曹庭棟編

慶湖集

賀鑄字方回衛州人孝惠王后之族孫氣宇雄爽面鐵色喜譚當世事可否不稍假借博學彊記工語言尤善度曲擬拾人所棄遺少加鑒括皆為新奇自言吾筆端驅使李商隱溫庭筠常奔命不暇元祐七年

欽定四庫全書

宋百家詩存
卷一

李清臣薦為承事即判泗州又判太平州遷奉議郎年五十八致仕甫二年復起管洞霄宮以后族恩遷朝奉即明年又致仕自號慶湖遺老裒集歌詞題曰東山樂府黃庭堅最賞其梅子黃時雨之句時稱賀梅子有二子曰房曰廩房從方廩從回蓋寓父字於二子名也慶湖前後集二十卷其後集當時被兵燹失去祇存前集九卷補遺二卷其詩灝落軒豁有風度有氣骨稱其為人

叢臺歌

邯鄲縣譜叢臺趙武靈王築今故址猶在與邑令杜濂仲同賦

累土三百尺流光二千年人生物數不相待摧頽故址
秋風前武靈舊隴今安在禿樹無陰困樵采玉簫金鏡
未銷沈幾見耕夫到城賣君不聞叢臺全盛時綺羅成
市遊春暉一從凋輦閉荒草蕭散行雲無復歸招魂想
像風流在晴華露蔓猶依稀盤紆棘逕撩人衣禾黍晚
成獬豸肥層檐碧瓦碎平地夢作鴛鴦相伴飛登臨弔
古將語誰城郭人民今是非指君看取故時物南有清

欽定四庫全書

宋百家詩存卷一

流西翠微彷徨華表不忍去豈獨遼東丁令威

黃樓歌

彭城遭水患太守蘇軾築樓城東取土勝水之義樓成譙集座客皆知名士

明年春蘇公移守吳興是冬譙黃岡後五年徙汝海因賦此以道徐人之思

君不見熙寧丁巳秋靈平未塞河橫流澶漫勢欲浮東
州斯人坐有為魚憂當時賢守維蘓侯厭術不取三犀
牛跨城岌堯起黃樓五行相推土勝水鼉作鼉驚走鞭
蕪三大渾沉變清泚南來船車鷁銜尾使君登覽興如
何舞劒吟賤賔從多水平照影見鴈下山空答響聞漁

歌樓下江洲長芳草一麾南出彭門道昨日春遊詠白
蘋後夜秋風悲鵬鳥黃岡汝海心悠哉青衫白髮多塵
埃采菱妓女今何在騎竹兒童望不來碧雲明月長徘
徊

彭城三詠

戲馬臺

秦蛇已中斷劉項方龍戰叱咤沮風雲睚眦走霆電鴻
溝一畫天地開楚王洗劍東歸來新都形勝控淮泗龍

欽定四庫全書

宋百家詩存卷一

山絡谷營高臺重瞳登覽何為者不知招賢知戲馬上
如激矢下投九蘭筋霜腕便平回盤半夜悲歌離不逝
明日陰陵行路難駉牝三千歸漢閑粟豆猶聞蠹縣官
君不見華山之陽古坳牧春風吹草年年綠

斬蛇澤

君不聞泗濱亭長送徒如咸陽徒夫懷歸多道凶澤中
置酒飲相訣吾亦從此奔砮矟陰風蕭蕭導者懼前有
修蛇怒橫路酒酣拔劒冒冒行劃斷蜿蜒不回顧河明

月出人踵來彼媼何冤號且哀謂遭赤帝屠吾子語竟
莫知安在哉真人聞此自心許泚泚四海吾其主虎變
龍飛十二年馘項梟英盡狐鼠半夜雄銚飛上天幾見
長陵一抔土

歌風臺

漢祖高風百尺臺千年客土生蒿萊何窮人事水東去
如故地形山西來江淮猶沸鯨鯢血八十一車枉歸轍
白首逢迎皆故人牢酒歡呼惜將別峭漚迢迢非我鄉
欽定四庫全書 宋百家詩存 卷一
死生此地烏能忘酒闌鳴笳動雲物青襟兒曹隨抑揚
爾時可無股肱良端思猛士守四方君不聞淮陰就縛
何慨慷解道烏盡良弓藏

江南曲

遊倡寧杜若別浦鴛鴦落向晚鯉魚風客櫓千里泊當
時桃葉是新聲千載長餘隔水情烏衣巷裏人誰在白
鷺洲邊草自生

三鳥詠

提壺引

綠野帶江春漠漠露涇花萼朝暮薄年芳婉婉欲辭人
啼鳥殷勤勸行樂提壺真起予十千美酒當賸沽金龜
寶貂家所無持抵可過黃公壚調官東來今幾日謂有
公田宜種秫朝廷未除私釀律安得一試焦革術提壺
鳥歎吾與爾皆悠悠君不見長安兩市多高樓大書酒
旆招貴遊脫聞提壺鳴樹頭論槽買甕更平聲獻酬庶幾
此聲知所投胡為南鄉長滯留端使北宗狂客羞北宗狂客

欽定四庫全書

宋百家詩存 卷一

五

方回自號也

竹雞詞

東南澤國陂塘闊旱歲少逢晴五月田間盡喜雨溟溟
竹下雞啼泥滑滑而予不耕陂下田田皋驅馬揮長鞭
稻塍微茫絕復連如躡鏡面流鮫涎植蹄沮洳不敢前
何暇顧惜青連錢竹雞烏汝幸飛翔羅罽外安知此塗
吁可畏雄雌更平聲鳴方自慰汝不能言臆為對君不見
日圍赫赫是長安大明宮闕開雲端雞人唱漏展三刻

左右相君朝謁還前鵬誰敢干後乘不可攀飄飄青蓋望已遠綠槐陰下沙隄閑長堤千步沙漫漫風不驚塵雨亦乾君能馳驚此其所何事江鄉行路難

子規行

長江靡靡山陂陀旅竹荒松蒙鳶羅蠶初眠起風日暖梅弄黃時烟雨多山閒有逕行逶迤倦客據鞍生睡魔奈爾思歸啼鳥何子規鳥不如歸去好誰家西北最高樓幾為王孫怨芳草子規憐爾解歸飛我獨何心長不歸十年跡絕蘓門道夢裏舊遊知是非一官竊食官倉米十口之家飽而已金印錦衣耀閭里少年此心今老矣問舍求田從此始

舟次金陵懷寄歷陽王掾

王字元胥

昨時江北望江南把酒離愁已不堪今夜江南望江北抵掌清談安可得歷湖白下非吾鄉官身俗眼禁人狂後日扁舟更西去江北江南兩何處

艤舟秦淮雪中訪侍其瑀

侍其字服之

北風破雨初成雪齋舫蓬牕吹紙裂籃輿觸冷訪圓廬得把一杯聊耳熱人生自適待何時矧君與我皆衰遲會待晴天暖風日杖藜同赴北山期

寄墨代書贈楊時

楊字中立為南康刑獄掾

徂徠雪壓蒼松顛淪膏根柢蟠蛇蜒樵斤翦拔石火熱曲突百步凝梢烟蒲萄秋顆累累懸海膠九煉堪續絃力擣萬杵臼欲穿劑成圭璧隨方圓點漆比色石比堅坐令李韋羞居前陳臺潘谷老且賢授唯識者不計錢

欽定四庫全書

宋百家詩存卷一

七

是翁解化如蛻蟬後可繼此無聞焉付君一圭款式全保護謹密何千年君家清風宜世傳不特譚元須草元金陵留別僧訥

冗從西班牙誰比數牛僧馬醫猶爾汝詩解窮人未必工苦調酸聲效梁父榮陽道人方外交謂我有言追屈騷驪珠不惜彈黃雀狗尾何堪聯晉貂秦淮潮上扁舟發後日相思一書札千里同風了了然人間無處無明月

留別田畫

君家陋巷一尺泥吾車有輪馬有蹄犯寒踏雨重相過

明月扁舟吾遂西回首邯鄲迹如埽離索十年成潦倒

免葵燕麥春自妍蟬腹龜腸氣方飽雲遠宵宵謝攀躋

長缺與人還故棲異時結駟來南畝耕者老夫鉏者妻

答靳生

生名馳嗜酒而狂自號酒隱翁

軒軒陸士龍卓卓荀鳴鶴雲間日下逢此段殊不惡方

君嗜狂藥而吾窮病縛相望不相遇賦詩聊爾謔知君

酒隱慕先賢誰何合作飲中仙金陵妙唱丹砂絃當日

欽定四庫全書

宋百家詩存卷一

新聲傳不傳莫學滄波弄雲月老鮫哆口饒流涎訪吾

之居在何許春明門東大道邊青鞵布襪不妨步何待

東家寒驢乃著鞭我屋真無坐客蘊蒲團櫪几共蕭然

鬬雞走狗春風顛付與垣東惡少年

凶女勝璋哀辭

適汝陽鄭氏子彥修

百痼沈痼彌兩年何圖壯女死我先失聲忍號氣窒咽

淚如縷縷汲九泉嗚呼尚敢尤諸天託非其人死失所

父孱母嚚猶棄汝吞辛咀楚申何許萎蕤殞英春不主

嗚呼萬古為冤土

題漢陽招真亭

亭在大別峯頂郡守吳典劉誼宜翁營構以招江夏黃鶴之仙

劉自稱有不死術亭成後二年物故余於淮陰道中適見之亦無他異丙子八月獨登因賦此

大別山巔清汚尾飛亭宮堯帶雲起清狂使君初燕喜

拍手招呼黃鶴子元津煉出太陽酥丰茸胎髮蒙頭顱

每誇久落北鄴籍豈意齋恨歸黃墟越客登臨興何有

愁不能言病妨酒殘陽雲夢宵然深尚欲開襟吞八九

羽駕飄飄安在哉使君餘迹已塵埃但見庾令樓橫烟

欽定四庫全書

宋百家詩存卷一

樹杪角聲催月渡江來

晚出江城聞角

古濠沮洳荷葉枯雙鑠禿鷺行且漁山銜日腳水關掩

孤樓引角吹單于驕馬嘶風興非淺壯圖舊迹隨塵卷

秋盡湖邊鴈不來流落方悲去人遠十月之交五夜長

河橫斗直天蒼涼蘓門故里斗杓下豈無伯仲勤相望

君不見剡蓬為矢弧弦桑男兒落地志四方履屐無跟

著家巷道梁適楚猶吾鄉鵲鴿不踰濟橘渡淮為枳吾

心況物未應然隨牒官身聊爾耳

寄漢陽趙尉沔

趙字道原
沔之從兄

慶湖遺老坐詩窮彊仕之年百病攻誰謂南昌祿隱翁
伏枕呻吟四壁空相思限此江西東寄聲每托江頭風
斯言近俳聊一笑江水方清饑可療人生奇偶類探籌
造物豈容人數料君初試吏或當然我大半生真不調
昔不願起家百日登三司今不願還家六印金纍纍但
願官糧辦親養歸來尚餘三徑資鄰牆晏起訪安否爾
酌我歌堯舜時咄嗟此願良難必吞聲食藥甘如蜜

欽定四庫全書

宋百家詩存
卷一

故鄣

建安十二年曹操
滅袁氏始大築鄣

魏武昔恢圖北平譚尚孽卜鄣築新都非徒三狡穴將
行遷尚志遽有分香訣落日總帷空莫終歌舞闌旋聞
漚洛上再起蒼龍闕四葉不歸東苔花馳道絕食槽識
終驗挂飯期先決擾攘百年間覆車尋此轍山川氣象
變朝市繁華歇白露復青蕪茫茫換時節陰風吹葛屨
燐火走兵血木葉下西陵寒蟲助騷屑當時陪葬骨馬

鬣猶環列隧碣仆縱橫鐫文久殘缺帛砧與柱礎螭首

随分裂指此一抔閒賢愚兩何別悠悠鳳漳水寂寂雀
臺月千古配英雄未隨埃燼滅田皋訪遺老謂有興亡
說但聽黍離篇叱牛耕不輟

喜雨

已未歲余官滄陽涉春早熱四月晦雨始
大澍而二麥已槁死采老農之言賦是詩

終春久旱暵涉夏俄溽暑垢汗浼衣襟梅津蒸柱礎黃
霾閉赤景測候錯辰午沙燕逐風鳶翻飛邈來雨紛紛
白羽箭齊發萬牛弩落瓦復鳴階浮漚如沸煮崇朝已
沛浹枯暵頽清瘴田父喜過從迎門好相語蠶桑薄可
具豚酒與簫鼓擇吉謝叢祠巫孃罷狂舞晨炊飽丁壯
庇笠耕瀉鹵少緩麥租期庶將秋稼補輸入太倉中蓄
肥任黃鼠

閒情二首

青窓隱夕曛玉甃紫苔春佳人久不見翠被銷檀熏長
巾拂綠綺上有三年塵聊彈別燕弄寄謝陽臺雲
秋風動珠箔流塵污鴛綺念昔合歡人兩心今萬里冰

欽定四庫全書

宋百家詩存
卷一

霜變松竹况復如桃李欲寓相思文無多石軍紙

燭蛾

雙蛾來翩翩慕此堂上燭附炎竟何功自取焚如酷感
彼萬動微保生在無欲不見青林蟬飲風聊自足

答杜仲觀登叢臺見寄

高風蕩河漢白露被寒菊下有絳緯蟲淒酸生意促華
年不相待去我何流連老步失騰驤短轡甘踟蹰伊人
濮陽秀方厭折腰辱仕道塞榛蕪低徊避蜣蟻邯鄲古

欽定四庫全書

宋百家詩存
卷一

十二

都會陳迹武靈築興發即登臨西南幾窮目新詩琢璠
瑒疊寄兩三幅一聽郢中歌陽春回草木行將及瓜代
暫喜擺羈束鞭馬徑相遇連朝奉遊矚隻雞與斗黍禮
意未為足何以遇高陽多營甕頭醪

送武桓之安陽

黃金絡征轡之子待明發尊酒少遲留禪林見涼月歌
鬟結蛾黛怨此佳期闊去去隄柳風青蟬催白髮

遊雲龍張氏山居

昔聞張逸民卜築雲龍山東望結遐想喜得彭城官一

語定襟契宛如平生歡招携屬休沐投此蘿薜閒女僕
候門巷青桂雙翠鬟蘇齋軒戶明餅火焚椒蘭寶墨鬼
神護清詩冰玉寒森然拱檐雷架石排琅玕東趨放鶴
亭磴道披茅菅指顧百邨落炊烟林莽閒日脚射平陸
兩山如斷環淒風振晚葉坐怯衣裘單引領紫霄極飄
颻如可干緬懷眉山公五馬來遊盤酣興走顛筆蒼崖
即鏡刊千年仲冬月雪野雲瀾漫埽石坐舒嘯惠泉烹

欽定四庫全書

宋百家詩存
卷一

十三

登黃樓有懷蘇眉山

登黃樓望黃州黃州望不見樓下水東流水流何可留
浮雲更悠悠傷心澤畔客顚顚楚蘭秋

秋懷

蕭蕭庭落木喁喁難聲惡荒檐日影斜餓猫捕黃雀窓

閒養病客起念却園樂欲賦歸去來西風老藜藿

飛鴻亭

彭城守王公說命南禪寺僧建取叔夜手拊目送句為榜時與李昭北揚中立

登同

禪林跨山脊飛構鑿峻嶒千里寄雙睫百憂消一登斯
遊屬公暇曉日東南升霜野明練中雲陰垂海鵬東州
地陽暖臘月川無冰大船出洪口突去如騫騰趺坐思
方寂桐魚聞飯僧生臺飽馴鵠散上浮圖層矯首發長
嘯清風鼓塵膺寥寥紫虛路鴻鴈正憑陵仿佛中散公
欽定四庫全書
宋百家詩存
卷一
十四
俯手朱絲繩粉繪久零落爽靈呼不應顧予識尤寡况
復無才稱行且置纓笏庵棲宗大乘二子勿多誚有心
何不能

上巳後一日登快哉亭

上巳信嘉辰流觴傳舊俗良遊悵不遂吏局方有屬東
風吹曉雨萬竅嗥林麓疑有泊舟人狂歌河女曲逾朝
始澄霽物色如新沐城角趨去聲危亭登臨慰幽獨紛華
埽不見蝴蝶飛平綠竚倚窮夕曛悠哉此心目

人生七十稀

人生七十稀行年今已半事功貴及時遲暮復何算嗟
吾夙多負失怙在童丱詩禮昔有聞飄飄辭祖貫慈親
念衰緒卒卒營婚宦名姓係西班牙星霜亟徂換未築黃
金臺長歌白石爛豈無同心契相望渺雲漢每虞秋颯
至催折澗底榦異日偶班輸抱柯徒永歎

送李主簿夷行之官河陰

李字易初

夙昔一尊酒相從清泗濱回首歎四載長安逢故人交

欽定四庫全書

宋百家詩存

十五

情久益澹詞筆老加新送子復西去勞生悲重陳
君才本高絕流俗固難諧桂生樗櫟林寧免相突排勾
稽諒多暇簾箔蔽公齋聖賢在黃卷差可遣人懷

遊雅五燕溪分韻作

與吳擇仁趙子濟同賦

捨轡步平綠解襟俯清池微風度修竹瑟瑟生淪漪
華照晴影暖雪正紛披把酒久沈想况與玉人期

東畿舟居阻雪懷寄一二知舊

舟路江淮永歲寒冰雪深戌期良敦迫王畿方滯淫疲

筋苦踰卧行樂長川陰雲物接平陸不見西飛禽風從

城關來如聞鐘漏音昕霽更東邁區區子牟心

寒洛未漸結東趨江海深舟人警朝鼓歛緯逗長林

端落滯雪沙際起鳴禽病客坐長歎攝衣涕沔襟親朋

自茲遠可是慕山陰興盡莫回轍何人知此心

遊靈壁蘭皋園

張校理治此園以奉親余過訪
壁間得寇元弼詩因賦此兼簡

弼元

集仙昔榮養卜築循蘭陔深徑萬株合清池百畝開飛

欽定四庫全書

宋百家詩存
卷一

十六

梁陰菡萏攢棟跨崔嵬淮海斲紅藥瀟湘移翠栽岱松

珮蘿萬海石糊莓苔車馬遠驚聒魚鳥忘嫌猜病客倦

舟檝尋春此徘徊閨年物候遲前日已聞雷薄景未晞

雪凍風新破梅伴人京洛舊杖履容參陪指我艮隅地

方營秋月臺眼明壁間字醉墨題東萊短句頗清絕早

推能賦才殷勤卷白苧為爾拂塵埃安得一攜手更傾

林下杯酒閑話平昔豈復顧形骸行役浸相遠人生信

悠哉薄暮重回首長哦歸去來

同李延永遊金陵雨花臺

迢迢朱雀航飛蓋共凌越東風石子岡芳草微徑絕生

公法堂在清夜貯明月回認城郭遊春華爛晴雪長烟

動江隩微雪泊山脅連檣去遲回白鳥屢明滅江山信

清麗人物久銷歇城堡定荒涼投身計何拙塵衫與汗

馬端為老生設李侯朱門俊詩與盡時哲俛首就微班

剛腸頗挫折人生特眠飯似是此身切歲晚賦歸田非

君復誰結

欽定四庫全書

宋百家詩存
卷一

十七

宿寶泉山慧日寺

寺在烏江東北戊辰中元至
此遇越客嚴生因賦是詩

日入不遑息驅車更之東回蹊出蒙密解袂迎長風

從何許來歷歷江南鐘頓響阿蘭若虛庭月正中流螢

逗深竹白鳥巢青松華燈耿翠箔瑤花擢春叢絕境美

清夜恍非塵界逢惜無一尊酒幸與之子同明發即南

北浮生兩飛蓬

三山

在金陵西南崛起大江中昔王龍驤順流
鼓棹徑造三山謝元暉登三山望京邑皆

此地也戊辰春余遊金陵置酒鳳凰臺引望此
山如落天外雅符太白詩中語既渡江至磧石

城門適與山對
己巳六月賦此

南朝鳳凰臺置酒昔高會酒酣望三山宛在青天外長
哦謫仙吟如唱鯨鯢繪明日信東風孤帆出其背荒成
接江濱開門適相對昂足峙長川不為舟楫礙雨暘雲
吐吞蚤晏潮進退萬古免浮沈曾微忤鼃戴伊余厭塵
空閉目何可奈爽氣豁襟靈山乎吾有賴嘗聞晉阿童
萬鰲飛戈快徑造此山嵎滄波為之隘慨我疲軟姿功
名讓前輩元暉昔憑眺物色頗有在他時挂武冠刀劍
行且賣山價畧可酬庵棲謝當代遠持三山磯況彼七
里瀨猶得傲狂奴吾無故人待

望夫石

在當塗
北山上

亭亭思婦石下閱幾人代蕩子長不歸山椒久相待微
雲陰髮采初月輝蛾黛秋雨疊苔衣春風舞羅帶宛然
姑射子矯首塵寰外陳迹遂無窮嘉期從莫再脫如魯
秋氏妄結桑下愛玉質委淵沙悠悠復安在

題烏江湯泉寄老庵

西庵松竹深薄暮更微雨山禽不畏人嘲斫方對語而
予倦宦者罷日今可數京邑夙所懷其如惡塵土行復
念斯遊回頭悵何許

罷官有期懷寄歷陽朋好

迅雨盪開暑層颯披滯雲澄川繚楚甸新陽麗秋旻物
候豈不嘉中懷愴離群親朋滿城邑繫滯此江濱及瓜
信匪遙遂作河梁分何人具供帳尊酒展殷勤一聆雪
兒歌載悽遊人魂津鼓警朝夢渚烟生夕曛所悲紫蘭
欽定四庫全書

宋百家詩存
卷一

十九

題崇勝寺無心庵

老鶴依林表孤雲寓山間結茅窮釋子著身如許閑有
心即塵紛無心猶石頑有無心併置日暮客來還

題天清寺安上人北軒

南城繁音氏臺維昔孝王築歌吟寂無聞萬楹聯佛屋
道人開北牖俯就百喬木八月鳴青蟬槐蛾委半綠客
來借榻卧吹睡俄頃足踈雨隔斜陽垂虹跨長陸良遊